

Iluarsiissut

Akissuteqaat imm. 120, imm. 121 aamma imm. 138 13.11.2024-meersut taarserpal

(UKA2024/120/121/138-mut tunngatillugit oqaatsinik erseqqissaasoqarpoq)

Suliassani meeqlanut inuuusuttunullu tunngasuni sulianik ingerlatsisarnerup pitsaanerulernissaa qularnaarniarlugu angajoqqaatut oqartussaassuseqartunik, angajoqqaatut oqartussaatitaasunik akuersissuteqarnermillu nalunaarutinik qitiusumik nalunaarsuiffimmik isumannaatsumik pilersitsinissamut suut aporfiunersut pillugit UPA2025 nallertinnagu nassuaasiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarsuiviup pilersinneqarnerata ingerlanneqarneratalu qanoq akeqarnissaannut naatsorsuinernik nassuaat imaqassaaq.
(Inatsisartunut ilaasortaq Anna Wangenheim, Demokraatit)

Aamma

Meeqqat immikkut pisariaqartitsisut piaarnerusumik kinaassusersillugillu misissorneqartarnissaat qularnaarniarlugu perorsaanikkut tarnikkullu siunnersuisarneq (Misi/PPR) eqqarsaatigalugu kommunit suleqatigalugit nunamut tamarmut najoqquṭassianik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anna Wangenheim, Demokraatit)

Aamma

Kommunini inunnik isumaginninnikkut sagsbeandlerit ikippallaarneri, suliassallu amerlavallaarnerisa aaqqiivigneqarnissaat pillugu Naalakkersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UPA2025-mi agguanneqassaaq.

(Inatsisartunut ilaasortaq Bentriaraq Ottosen, Atassut)

Akissuteqaat

(Meeqqanut, Inuuusuttunut, Ilanniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Meeqqat inuuusuttullu tarnikkut timikkullu nappaataannik misissuisarneq katsorsaasarnerlu qanoq naleqqunnerusumik sunniuteqarnerusumillu isumagisarsinnaanerivut pillugu ukkatarinnitoqarnissaanik Anna Wangenheimip siunnersutaanut Naalakkersuisut qujapput. Meeqqanut immikkut pisariaqartitsisut sammineqalersinniarlugit siunnersuuteqartoq, Anna Wangenheim Naalakkersuisut taamatuttaaq qutsavigaat. Siunnersuuteqartup Bentriaraq Ottosenip kommunini isumaginnitoqarfinni sulianik suliaqartartut pillugit ukkatarinninneranut Naalakkersuisut aammattaaq qutsavigaat.

Imm. UKA2024/120 aallarniutigissavara.

Meeqqat inuuusuttullu misissortinnissamut katsorsartinnissamullu sivisuumik utaqqisarnerat akuersaarneqarsinnaanngitsoq Naalakkersuisunit isumaqtigineqarpoq. Innuttaasunut tamanut, pingaartumillu meeqlanut inuuusuttunullu atugarliortnunut ingerlatseriaaseq sunniuteqarnerusoq naapertuilluarnerusoq qulakkeerniarlugu, inunnik isumaginnitoqarfiit, peqqinnissaqarfiiup, ulloq unnuarlut paaqqinnittarfiit oqartussallu tassunga attuumassutillit akornanni suleqatigiinnissaat qitiutinneqassaaq.

Angajoqqaatut oqartussaassuseqartut angajoqqaatullu oqartussaatitaasut meeqqat pillugit suliani akuersissuteqartarninilu paasissutissanik oqartussat peqareermata, kommunini peqqinnissaqarfimmilu oqartussat sullissineranni allaffisornerulersinnaaneq Naalakkersuisut sapinngisamik pinngitsoortikkusuppaat. Naalakkersuisut taamaammat isumaqarput, oqartussat sullisseriaasianni atutereersumi suut allangortinnejqarsinnaanersut misissorneqarnissaat pitsaunerusoq, tassa suliassaqarfimmi sukkannerusumik sunniuteqarnerusumillu sullissisoqartarnissaanguniarlugu.

Naalakkersuisut taamatut oqaaseqarlutik allannguutissatut siunnersuut manna saqqummiuppaat: Meeqqat inuuusuttullu pillugit suliani sukkannerusumik sullissinissamut sunniuteqarnerusumillu misissuillunilu katsorsaasarnissamut suut aporfiusarnersut pillugit UPA2025 nallertinnagu Naalakkersuisut nassuaasiornissaat pillugu Inatsisartut aalajangiiffigisassaattut siunnersuut.

Maanna imm. UKA2024/121-mut.

Meeqqat immikkut pisariaqartitsisut piffissaq eqqorlugu tapersorsorneqartassasut nassuaateqarfigineqarlutillu, siunnersuuteqartoq Naalakkersuisut isumaqtigaa. Meeqqat immikkut pisariaqartitsisut paasiniarneqarnerat nassuaateqarfigineqarnerallu suliaqqaqatigiit assigiinngitsut akornanni aamma pisortani oqartussaasut immikkoortortaqarfiillu akimorlugit, suliassaqarfiiit assigiinngitsut suleqatigiinnerisigut pissasoq Naalakkersuisut erseqqissaatigerusuppaat.

Meeqqat immikkut pisariaqartitsisut piffissaq eqqorlugu tapersorsorneqarnissaat aamma meeqqat tarningisa pissusiinik perorsaanikkullu misissuiffigineqarlutillu naliliiffigineqarnissaat qulakkeerniarlugu sulinermik ingerlatsisut naleqquttut sulisussarsiariqearnissaat siunertarisamut naleqquttuussasoq, Naalakkersuisut naliliippit. Meeqqat immikkut pisariaqartitsisut paasiniarneqarnerat aamma meeqqat tarningisa pissusiinik perorsaanikkullu misissuiffigineqarlutillu naliliiffigineqarnerat pillugit ingerlatsisut suliamut paasisimasallit naleqquttut ilanngunneqarnissaat suliamilu aallartilersumi ilaatinneqarnissaat, Naalakkersuisut kissaatigaat. Tamanna pillugu meeqqat immikkut pisariaqartitsisut piffissaq eqqorlugu tapersorsorneqarnissaat nassuaateqarfigineqarnissaallu apeqqut perorsaanikkut tarnillu pissusiinik ilisimasalittut siunnersuinermut killilerneqassasoq Naalakkersuisut kissaatigingilaat.

Tamanna tunuliaqutsiullugu Naalakkersuisut allannguutissatut ima siunnersuuteqarput: Meeqqat immikkut pisariaqartitsisut, nassuaaffigineqarnissamik pilersitsisinnaasumik, piffissaq eqqorlugu tapersorsorneqarnissaannut aamma meeqqat tarningisa pissusiinik perorsaanikkullu misissuiffigineqarlutillu naliliiffigineqarnissaannut qulakkeerinninnissaq pillugu ingerlatsisunik naleqquttunik suleqateqalernissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Meeqqat immikkut pisariaqartitsisut pillugit suleqatigisat assigiinngitsut suleqatigiinneranik nukittunerusumit aaqqiissutinik atorneqarsinnaasunik suleqatigiiit saqqummiussissapput.

Maanna imm. UKA2024/138-mut.

Kommunini isumaginnittooqarfintti suliat suliarineqartarnerinut piffissaq sivisusartoq Naalakkersuisut isumaqatigaat aamma ajoraluartumik sulianut akuusunut assut tamanna artukkiisarpoq. Suliat kisitsisitaasa minnerulernissaat assut pisariaqartinneqarpoq aamma taamaattumik kommunini sulianik suliarinnittarnerup pitsanngorsarneqarnissaat Naalakkersuisut sammisorujussuaat.

Sulianik suliarinninneq oqinnerusoq, pitsaanerusoq sukkanerusorlu qulakkiissagutsigu, suliniutit amerlasuut assigiinngiaartullu tamatumunnga piumasaqaataassapput, taakkualu piffissartorfiullutillu nukersornartussaassapput. Suliat amerlassusaanik ikilisaanissaq aamma kommunini sulianik suliarinnittartut piginnaasaannik piginnaanngorsaanissaq anguniarlugit Naalakkersuisut suliniutinik ukiut ingerlanerini aallartitsisarput. Kommunini ataatsimoorullugu qarasaasiakkut atortorissaarut nutaaq ESDH meeqqat inuusutnullu suliassartaannik amerlasuunik immikkullarissinnaasullu tamarmik sukkasuumik malinnaavigineqarsinnaanissaannut iluaqtaasussamik 2022-mi pitaartinneqarput.

Naalakkersuinikkut Ataqatigiissaarisooqatigiiit kommunit ataatsimut isumaginnittooqarfinttik sullissussamik pilersitsiniarlutik ukiaq manna isumaqatigiippuit, taanna kommunini meeqqanut tapersersuiniarluni suliat suliarineqarnerini ikuuttassaaq. Ullumikkut imaappoq: ingerlatsivik kommunimi kisimiilluni Meeqqanik tapersersuisarneq pillugu Inatsisartut inatsisaat naapertorlugu kommunitut akisussaaffeqartarpooq. Sullissisoq nutaaq sulianik immikkullarissunik suliaqarnermi ilaatigut ikuuttassaaq, suliat aallaavigalugit isumasioqatigineqartarluni, sanileralugu iltsersuussisarluni kiisalu kommunit pisariaqartitaat kissaataallu naapertorlugit isumaginnittooqarfintti sulisunik kommunini piginnaasanik piginnaanngorsaasassapput.

Naalakkersuisut kommunini isumaginnittooqarfintti pitsanngorsaaniarlutik sulinummik nutaamik aallartitereernikuummata, nalunaarusiamik saqqummiisoqartariaqanngitsoq Naalakkersuisut isumaqarput.